



修武縣志

六



DS
793
H52
H8254
1839
v.6



修武縣知縣馮繼照纂輯

祠祀志 寺觀附

治民事神無二理也民可近不可下神可遠不可
褻皆以吾心之敬行之敬盡則物盡外則備物內
則備志書曰享多儀儀不及物曰不享惟不復志
於享蓋言敬也我

朝會典所載令有司各立壇廟以歲時奉祭祀有人
民有社稷守土者宜何如肅禋將事以答神庥而
乃執事不恪牲牷不必其肥腍黍稷不必其豐備
神何享焉卽有賢邑宰起而修明之而牲幣之數

升降之儀有粹難講求者謹遵會典所載詳列於篇而境內之琳宮梵宇不在祀典者另附於末蓋不敢以淆秩祀云爾

社稷壇 在城西北

禮部則例一凡直省府州縣各擇爽塏之地建社稷壇均北向歲以春秋仲月上戊日爲民祈報府州縣皆正印官將事以各學教官糾儀生員充禮生儀注

每神位前各帛一鉶二簋三簋三導四豆四爵三其羊一豕一尊一尊一祭日雞初鳴承祭官以下咸朝

報齊集衆月黃川禮主二人川承祭官皆皇光所

至階前拜位立引班禮生二人分引陪祭官立
東武西各就拜位序立乃迎神贊引者引承祭官
升壇詣香案前司香跪奉香承祭官三上香復位
行三跪九叩禮陪祭各官皆隨行禮奠帛初獻爵
司帛奉篚進跪奠篚司爵奉爵進獻爵奠正中皆
退司祝禮生至祝案前跪承祭官暨陪祭各官皆
跪司祝讀祝畢詣

神位前跪安於案叩如初退承祭官暨陪祭各官
行三叩禮亞獻爵奠於左終獻爵奠於右均儀如
初獻乃徹饌送

修正縣志 卷六
神承祭官行三跪九叩禮陪祭各官皆隨行禮司
祝奉祝司帛奉帛送瘞所承祭官轉立拜位西面
東面候祝帛過復位引至望瘞贊引告禮成引退
眾皆退

祭文

惟神品物資生烝民乃粒養育之功司土是賴惟

茲

春

仲式陳明薦尚饗

秋

先農壇 在縣東南一里許正字三間配房東西各
一間神倉一間大門一座東西角門各一座雍正
五年知縣陳綱奉

省於該地方擇地爲耤田以雍正四年爲始每歲仲春府尹督撫及府州縣衛所等官率所屬耆老農夫行耕耤禮該督撫將設立耤田畝數報明戶部禮部存案五年議準直省各擇東郊官地潔淨豐腴者立爲耤田如無官地動支帑銀置買民田以四畝九分爲耤田每歲耕耤之日祭

先農禮畢各官咸易蟒袍補服州縣正印官秉耒佐貳執青箱播種專城衛所正印官秉耒如無屬員卽選擇耆老執青箱播種耕時用耆老一人牽牛農夫二人扶犁悉照九卿之例九推九返農夫

終畝耕畢各率耆老農夫望

闕行三跪九叩禮其農具用赤色牛用黑色箱用青色所盛籽種各從其土之宜卽著守壇農夫灌溉田地方官不時勸課將每年所收米穀及用過黍盛數目造冊報布政司送戶部核實至各省耕藉日期每歲十一月

頒時憲書後交欽天監擇日由部奏請

欽定通行奉天府尹直隸各省督撫轉飭所屬同日舉行永著爲令

祭文

維神肇興稼穡粒我烝民頌思文之德克配彼天

九五之尊歲舉三推之典恭膺守土敢忘勞民謹
奉饗尊聿修祀事惟願五風十雨嘉祥恆沐於神
庥庶幾九穗雙岐上瑞頻書於大有尙饗

文昌祠 在東門外書院東 又有文昌閣在東關

路上康熙三十一年懷慶府通判署修武縣事陳

芳猷建有碑記 又有文昌閣在百家巖漢獻帝

避暑臺上邑人趙敏建有碑記

每歲二月初三日八月奉

頒日期有司致祭嘉慶六年奉

敕用太牢

修武縣志

卷六

祠祀志

春秋祭品

關帝廟同

帛一

色白

牛一

羊一

豕一

籩十

豆十

儀注

關帝廟同

祭日贊引生引承祭官進左旁門至盥洗所贊盥

洗盥洗畢引至殿內行禮處立典儀倡執事者各

司其事贊引贊就位引承祭官就位立典儀倡迎

神司香者捧香盒就香鑪左邊立贊引引承祭官

就香鑪前立司香者跪贊引贊上香承祭官舉手

插鑪內又上塊香二次畢贊引贊復位立贊引贊

跪叩興承祭官行三跪九叩首禮典儀倡復帛爵

行初獻禮奉帛爵者得帛爵奉進

獻畢退讀祝官詣安祝文卓前行一跪三叩首禮
捧起祝文立贊引贊跪承祭官讀祝官俱跪贊讀
祝讀畢捧至

神位前跪安盛帛盒內畢行三叩首禮退贊引贊
叩興承祭官行三跪九叩首禮立典儀倡行亞獻
禮執爵者照初獻禮獻畢退典儀倡行三獻禮執
爵者至案右邊照亞獻禮獻畢退典儀倡徹饌倡
送神贊引贊跪叩興承祭官行三跪九叩首禮立
典儀倡捧祝帛饌各詣燎位捧祝帛香饌者至
神位前俱跪捧祝帛者行三叩首禮捧香饌者不

叩首將祝帛香饌依序捧送承祭官退至西列立
候捧祝帛者過畢復位立贊引贊詣望燎位承祭
官至燎鑪前焚訖揖贊引贊禮畢退

祭文

惟帝神功赫弈聖德昭明位分天象職司台衡朱
衣赤舄耀於七星贊元開化啟秀育英普天欽仰
斯文丕興今屆仲春虔薦豆登尚饗秋

文昌後殿 祀追

封三代公與前殿同日致祭

春秋祭品

關帝後殿同

帛各一白

羊各一

豕各一

雞各一

行二跪六叩禮餘同前殿

文昌三代祭文

惟帝祭引先河之義禮崇反本之思矧夫世德彌
光延賞斯及祥鍾累代炯列宿之精靈化被千秋
緯人文之主宰是尊後殿聿答前庥茲屈仲春肅
將祀事用申告潔神其格歆尚饗

郡判陳芳猷勅建文昌閣記

略云余不佞兩攝修邑親政之暇環視城郭見廢
墜缺略者難以枚舉最甚者莫如東關居民寥落
望若晨星城垣無壁壘井竈半墟邱良可慨歎夫

震爲生氣巽象文明東方震巽之位奎壁之星應
焉今頽廢若此宜乎邑人之不克振拔也訪之耆
老言東關舊有文昌閣今土阜卽其故址閣存之
日煙火千家室廬鱗次科甲蟬聯後先輝映自毀
於前明之季六十年來有逃徙而無生聚土著者
遷安問流寓物換星移凋敝遂至於此余聞之瞿
然天善始者不必其善繼善謀者不必其善成前
後若相需也爰進僚員洎二三子衿而謀之曰諸
君止爲我監督工役金錢口食之需吾任之於是
剋日興工經營程度凡埏埴樸斲之匠役與塗墍

棟宇必令美觀崇臺聳峙傑閣崢嶸帝像莊嚴門
屏暢爽固圻然東隅之巨瞻也自是而相我文明
福我黎庶更與易所謂重門設險義有合焉計非
一舉而三善備歟是役也起於康熙三十二年二
月成於本年四月

縣貢生趙敏勅建百家巖文昌閣記

略云憶昔戊申歲敏從先侍御讀書百家巖寺書
室之右峯巒壁立高十丈許曲徑蜿蜒盤折而上
有臺址平如几案布席可坐數十人相傳以爲漢
獻帝避暑樓雖棟宇滅沒而規模彷彿可想先侍

御輒攀緣登陟低回流連不能去語敏曰是臺階
招提之上西望瀑布奔流崩雲捲玉東望梵宇參
差星布其列又有水泉瀉瀉檀欒掩映登斯臺也
百巖勝槩不下席而盡收目中且斯臺高不及行
山之半而遙望縣治城郭廬舍田園錯比或遠或
近隱現出沒於指顧閒一邑風脈所關其在於斯
異日建帝君閣於此而烝嘗之吾邑文運必有蔚
然丕變者乎歲壬辰敏攜友人輩復遊百巖縱步
徘徊極目遠睇而先侍御疇昔之言不覺有觸於
懷因具以白寺僧筮吉鳩工度地而經營之凡棟
梁瓦甍工匠庸直之費悉肩之資也工於二月十

不過數武然俯視一切燦若指掌又何必棖桷峻
增輪奐均礫而後謂之閣也哉

關帝廟 在縣治西明萬歷十一年知縣趙可學建
雍正元年追封三代爲公知縣陳綱建祠於廟後
道光七年知縣鄒光曾重修 又有縣衙關帝廟
在譙樓後係舊縣署儀門外轉東地基

每歲

春秋

二仲月奉

頒日期及五月十三日有司致祭雍正年間奉

敕用太牢典禮與祭文昌同

五月十三日祭品

帛一 白
牛一 羊一 豕一 果五槃

祭文

惟帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭值嘉辰遵行祀典尙饗

關帝後殿 祀追

封三代公與前殿同日致祭

光昭公正中南向

裕昌公東一室南向

成忠公西一室南向

惟公世澤貽庥靈源積慶德能昌後篤生神武之
英善則歸親宜享尊崇之報列仕公之封爵錫命
優隆合三世以肇禋典章明備恭逢諏吉祇薦馨
香荷饗

修武縣知縣鄒光曾重修關帝廟記

略云修武 關帝廟建於縣治之西南與文廟相
接也基址隘狹制度未宏曾莅任後瞻謁之下爰
進閭邑紳耆謀所以擴新之僉以爲宜旣捐廉爲
倡邑士民商賈咸樂輸恐後因鳩工庀材三閱月
而告成計重修廟間舞樓三間後殿三間拜殿三

開東側對廳三間道院迴廊量加修飾添建廟前
角門二座正殿東廂屋三間廂屋前南向屋一間
月臺甬路廟埧竝甃石甃砌以及垣牆階級修整
完善是役也朽者易之敝者新之樸陋者壯麗之
規模宏闊體制尊嚴士民共相鼓舞而識神所憑
依也是爲記道光七年仲秋月

奎光閣 在東關與 文昌祠同日致祭祭品尚後
殿行兩跪六叩禮

祭文

惟神七星冠首六合承輝德耀青陽祐人才之奮
起祥開紫電煥文運之光昌天象昭臨士林永

敬修祀肅展微忱仰饗

名宦祠 在學宮戟門東明萬歷中知縣趙可學建

國朝康熙六年知縣仇鳳翀重修乾隆五年知縣劉

建吉重修道光五年知縣鄒光曾卽戟門東偏更

衣所南嚮三楹改中

祀修武職官漢令使蕃宗慈元尹閻珪主簿李鏗

明知縣冷宗元教諭郝嶙

舊祀周衛大夫甯俞國朝總督二省朱昌祚

巡撫吳景道佟鳳彩總督三省李蔭祖巡撫尹會一今並遷改

鄉賢祠 在學宮戟門西明萬歷中知縣趙可學建

國朝康熙六年知縣仇鳳翀重修乾隆五年知縣劉

建吉重修道光五年知縣鄒光曾卽戟門西偏齋

戒所南向三楹改建

祀漢祭酒張範桂陽太守衛颯晉侍中何雄尙書
荀晞宋曲江縣侯向靖魏安平公張蒲元布衣張
宏毅吏部尙書薛澍翰林院編修遼魯曾明西安
府知府王懋蔚州知州姜鄒九江府通判范繼仁
崞縣知縣馮杞

國朝兩浙鹽運使范正脈刑部主事成觀光廣西道
監察御史趙旭

明教諭王時春謨知蔚州姜鄒崇祀鄉賢記

略云邑侯趙公來治之明年春督學憲副衷公

敘修復郎賢以表

人必念卜與命

得宏科任蔚州知州進階中順大夫姜先生高厚
任行實表上會表公總憲荆湖事寢歷三年復上
憲副容公申勘再三而事始定遂鳩工聚材建祠
於學宮之後而姜先生祀焉顧元宋而上諸先生
德業行誼彪炳志牒勿論已乃寥寥二百年間名
卿顯宦獨姜先生以賢祀豈偶然哉嘗讀先生撫
蔚去思碑載傳文祀等千餘人赴闕泣畱及修堡
功事見於太常董公碑侍御韓公疏至今照耀人
耳目解組歸以禮致仕終始無少虧玷嘗詢諸邑
學士咸稱先生居謙守默恂恂如也至論國家事
可否屹然有萬人獨往之勇所遺祭義二田光祖

洽族今猶存焉夫以彼官守之德業而居鄉行誼
又如此以祀鄉賢宜也然非邑侯之賢孰與祀之
嗣是修武人士觀感而興起者皆趙侯所激勸矣
公諱可學號至吾任縣人其所爲善政難縷述因
鄉賢祠成特舉而記之用志不忘云

縣舉人吳周聚謨王玉鉉路坦然宜祀鄉賢議

王先生諱玉鉉號太阿明萬曆丙午科解元著清
水篇行世先生力持名教有締交某文優於德門
庭間有不順意先生沐手焚香書孝字如斗大緘
紙百層每層俱書祕拆友接書凜然拆終見字如
水燒背不啻嚴師在上而躬受扑責也由是祇肅

午科十五省榜首先生名最著魏閣密使入選之
謂會狀可立致時公主擇配先生胞弟某在選列
又以尙主計之先生愕然曰窮達數也奈何以不
入耳之言聞於我哉緩詞謝之托疾不入閣與弟
束裝旋其立身千仞而又明哲自保如此王先生
後又得路先生先生諱坦然字入路事親孝事繼
母無豪髮殊友于兄弟至今吾邑稱敦睦者曰有
路家風教人修好者曰何不聞路氏兄弟乎先生
讀書明大義不屑屑章句學崇禎癸未獲捷而甲
申遭變先生時仰天而歎俯首而哭卽熟與居者

他武縣志卷之六
三
莫得其顏之喜而惟見其容之戚也顧先生未嘗
自明其意人亦不能測其淺深兩先生制行卓卓
不可湮沒使其祀於鄉得享春秋之祀足令懦立
頑廉振綱常而挽頽風矣予恐久之而兩先生之
行誼竟歸泯滅也因援筆而記之

忠義孝弟祠 在學宮崇聖祠後雍正六年知縣陳
綱建道光十五年知縣馮繼照重建

祀元孝子員思忠明孝子馬恂薛復亨義民王忠
周公直聶文秀朱成薛文濟

教諭張宗泰重建忠義祠碑記

修氏忠義祠居學宮之左南與崇聖祠毗連

朝自雍正六年令君陳繼建修以來經今百有餘
歲矣風雨之所飄蕩鳥鼠之所剝蝕牆壁崩頽棟
桷腐敗非所以安神靈而奠忠義之魂也歲在道
光乙未秋商之馮秋橋明府明府慨然身任其事
籌款爲興復計屬邑庠生秦懷西梁悅孔董其役
始事於丙申二月之望越四旬而歲事共用制錢
百十有五緡基址悉仍其舊而瓴甍木石一一皆
就平地築起牆垣鞏固瓦縫密比黝堊丹雘咸以
法人功之勤視舊有加而氣象乃屹然改觀焉抑
予更有說焉者修武自道光元年以來節婦烈女
後先相望蓋不過十餘年間已得四人而男子之

以義行著稱里黨者乃或至百數十年之久而闔
然蔑有聞焉豈世有其人而事蹟湮滅不彰歟抑
所以作興而獎厲之者無其道歟然則斯祠之修
葺乃一邑人心風化之所關是不可以無述乃萃
其事之始末而爲之記

節孝婦女祠

在縣署東雍正六年知縣陳綱建

祀姜秦氏李秦氏金趙氏劉張氏師王氏王姜氏
薛王氏陳董氏秦馬氏路邱氏傅薛氏馮李氏邵
趙氏薛李氏趙劉氏薛張氏范岳氏楊菊姐龐徐
氏道光十三年彙請生存已故節孝總坊建於祠
門外坊載劉周氏等共二百十二丁

名宦鄉賢忠義節孝四祠俱丁祭日祭祭品儀注

與兩廡同詳見學校

名宦祠祭文

惟靈澤媿龔黃功深召杜德在生民宜馨俎豆茲

值仲春秋理宜致祭尙饗

鄉賢祠祭文

惟靈名高朝宁德重鄉邦宮牆正位祀典用光茲

值仲春秋理宜致祭尙饗

忠義孝弟祠祭文

惟靈稟賦貞純躬行篤實忠誠奮發貫金石而不

渝義問宣昭表鄉閭而共式祇服懋彝倫之大性

摯哉蒿克恭念天顯之親情殷棣萼模楷咸推夫
懿德

恩綸特闡其幽光祠宇維隆歲時式祀用陳簠簋來格
几筵尙饗

節孝祠祭文

惟靈純心皎潔令德柔嘉矢志完貞全閨中之
節竭誠致敬彰閭內之芳型茹冰蘖而彌堅清操
自勵奉盤匱而匪懈篤孝傳徽

絲綸特沛乎殊恩祠宇昭垂於會典祇循歲祀式薦尊

醪尙饗

會典直省府州縣風雲雷雨山川諸神秋仲月
吉日致祭雍正三年議準直省府州縣神祇壇設
雲雨風雷位於中設

山川位於左稱某府州縣境內山川之神設

城隍位於右稱某府州縣城隍之神

祭文

惟神贊襄天澤福佑蒼黎佐靈化以流形生成永
賴乘氣機而鼓盪溫肅攸宜磅礴高深長保安貞
之士憑依鞏固實資捍禦之功幸民俗之殷盈仰
神明之庇護恭修歲祀正值良辰敬潔豆籩祇陳
牲幣尚饗

邑厲壇 在城北

會典直省府州縣歲清明節七月望日十月朔日
祭厲壇於城北郊前期守土官飭所司具香燭公
服詣城隍廟以祭厲告本境城隍之神黎明禮生
奉請城隍神位入壇引守土官公服詣神位前跪
奠如儀退禮生仍奉城隍神位還

祭品

羊三 豕三 飯米三石

祭文

爲祭本縣闔境無祀鬼魂事竊照普天之下后土
之上無不有人無不有鬼人鬼雖殊其理則一念

出與中無祀鬼魂其間有遭兵刃而橫死者有遭
刑禍而瘐死者有遇猛獸毒蟲而傷死者有遇天
災流行而疫死者有危急自縊而死者有疆場戰
敗而死者有墮垣倒塌覆壓而死者有衣食缺乏
凍餓而死者有渡河而淹死者有登高而跌死者
此等鬼魂或終於前朝或歿於近世或背鄉離井
作客捐生或斷子絕孫無人致奠爲祀典所不載
竝姓名之難稽精魄未散久血爲燐依草附木與
妖作怪呻吟於星月之下號哭於陰雨之中心思
陽世魂杳杳以無歸氣結荒郊意憧憧而苦倏興
言及此慘懷堪憐乃設壇於城北以某月某日置

修正縣志 卷之六
備牲醴羹飯專祭本縣闔境無祀鬼魂敬祈尊神
監臨此祭尙饗

城隍廟 在縣治東順治十二年燬於火重修歷五
年工始竣道光十一年知縣趙銘彝重修

知縣趙銘彝重修城隍廟碑記

案邑乘城隍廟在前明洪武丁丑年貳尹卜君祖
望勗建天順間貳尹聶君瑄修之宏治辛酉邑令
張嵐漪因其舊加潤色而廟之廣狹殿閣之高
深與夫鳩工庀材之經營固度而諸父老僅能道
其彷彿蓋均不可得而考已至嘉靖九年耆民蒯
需因廟貌頽頽神象暴露天志昌修買王錫芳地

奉勅建七十二司規模煥備順治乙未元夜宮殿
盡燬於火住持演敬走募四方閱五年重構大
殿寢宮兩廊未及修復演敬羽化去其徒劉全中
竣其事自是以來又歷二百年矣丹垣剝蝕碧瓦
飄零余於嘉慶戊寅冬莅任山陽條有奉勅馬工
之役庚辰冬告養還歸未遑修舉茲以道光十年
庚寅秋重來斯土乃謀諸少府陳紹祖邑紳耆人
等捐廉百金以爲首倡移寢宮地丈許改建明樓
五楹重修大殿拜殿鐘鼓二樓竝新砌東西兩院
甃牆四十餘丈道士陳德平慨然重修呂祖廟三

修正縣志卷之二
楹門樓一座是役也自十一年正月興工十二年五月竣事是爲序

旗纛廟 端午霜降日兩祭

此廟久廢今於縣衙關帝廟中致祭

旗纛祭文 霜降用

惟神旗纛是司三軍所視威揚閭外疆圉是恃霜降既肅仰答膚功神其有靈歆此菲供尚饗

龍神廟 在縣治東竝祀黑龍神白龍神至元二十

九年建丁亥鄉民崔某修二月十四日八月十六

日兩祭 又有白龍祠黑龍祠在溫盤峪

龍神祭文

州神祠。得濟。旱。澤。有。生。力。土。之。平。經。濟。州。
軌。廣。濟。泉。源。之。用。膏。雨。及。時。續。奏。安。瀾。占。大。川。之。
利。涉。功。資。育。物。欣。庶。類。之。蕃。昌。仰。藉。神。庥。宜。隆。報。
享。謹。遵。祀。典。式。協。良。辰。敬。佈。几。筵。肅。陳。牲。醴。尚。祈。
元。縣。人。馬。曙。龍。祠。禱。雨。記。

縣北兩舍而近有山曰溫盤山半飛泉垂練百尺
聲勢洶怒奪目駭心下匯爲潭深不可測世傳二
龍宅之人有見之者或潔如白練或爛如黃金潭
西南有祠故節使劉公所建碑刻大略記龍公姓
白與黑龍爭是潭山麓爪跡至今宛然首末與張
宣城焦土臺類焉時遇旱遠近官民祈雨者靈應

之迹榜於屋壁殆徧大德丁未自秋徂冬三月不
雨監邑公伯不花乃齋戒三日率僚屬詣祠既禱
仍餅潭水歸置壇行祠朝夕焚香致敬不懈越二
日雨大作公以旨酒嘉穀答神之休謂僚屬曰祀
典有之能禦大菑則祀能捍大患則祀有大功於
民則祀是神也易歉爲豐變枯爲榮非禦菑濟旱
有功於人乎卽具其事申府乞達朝廷顯加封號
前號略巡檢閭從謂鄉中士夫諸老曰公能揚神
之休我獨不能紀公之美乎求余文勒諸石伯不
花公蒙古人

潭白者據山之陽懸崖飛注泓深叵測折而北可
二里而遠兩山中劈潭水出焉洶涌疊磴滄淵幽
杳爲黑龍潭世傳二龍共鬪穿山直走爪跡著石
今尚可尋龍時偃仰水上居人見而駭之因禱雨
有靈應潭之左因山闢址斬棘架楹肖像其中禱
者就而拜焉萬歷丁亥修武大旱百里盡赤時郡
丞劉公署邑事詣潭虔禱爲民請命越日甘霖大
注士民歡呼旱不爲災公集父老諭之曰龍德我
哉微龍無歲微歲無民我不能一日安於此也其
修祠報之鄉民崔某臨而前曰某魏邨里民也距

潭十里而近某請修之且是祠亦某先世之所營也公可之于是運斤型土走繩削墨撤其腐圯廣其湫隘越月而祠成余爲勒石記之

火神廟 在東門外六月二十三日祭

濟瀆神祠 在縣治西南隅祠前有池方廣數丈元文宗天厯三年縣尹謝公禱雨於祠邑人常玉連義等乃以輒焚之

元濟源縣醫學教諭李思誠濟瀆靈池記

略云修武縣地秀民淳有仁義之風焉坊曰清源舊建濟瀆行宮歲時致祭禮無廢焉瞻者畏敬之

嘉大元天祿三三自春乞秋大旱年穀盡枯高縣

乃謝公率諸僚屬禱雨於其剝長常玉至於池顧
其水已枯涸泥污穢積有藝神明遂感於心同耆
老連誦口之於是丐金鳩工淘洗至泉既清且潔
以輒於周圍歲寒之時以口口口覽者無顛墜之
患臨者無戰兢之懼基址損壞補之一新不日成
功能繼昔人之績正臣許公來謁曰池已完矣潔
矣若不刻諸貞珉以紀其芳何以示于後辭不獲
已齋沐爲之荒蕪以記大元天厯三年五月日當
玉胡興等立

明翰林岳正修修武縣濟瀆行祠禱雨感應記

郭侯以鄉進士令修武廉庶務之利病而聖齊之

民方知向而歲適亢旱砂煎石爍種不土入邑人於是相與謀曰遷市舞雩暴巫覡觴土龍祈而禱焉古法也請於侯而行之侯曰是法在令令之政急則德涸德涸則陽塞而不雨我國有以禱之也濟水出王屋去邑纔百里其神靈聞天下修武南門內建行祠以祀之其前有池濟水所出也侯詣焉洵池濬源而以其政令之所缺者自告於神情切辭苦其與出野暴露積薪自焚者無異也是日果雨數日又雨三農告足庶情歡欣遂命工藝以甃周道石爲闌干先是池水黑如墨不產鱸魚人皆異之不教變忽青故望然中流底時其口急急

有樓臺殿閣人物往來之狀如長者數日巨人驚
駭聚而觀之莫知所以未三載而侯至所建城池
樓閣市橋門巷煥然聿新與向日池中所現者不
爽人以爲斯城斯樓信非偶然而今日感應之速
夫豈無自是秋大稔禾有同畝異穎者有一莖兩
穗者三穗四穗者父老曰此吾侯之德也請以聞
於朝侯既格而不許於是謀以是壽之於貞珉侯
名應誠字誠之蜀富順人天順元年歲次丁酉夏

六月

丹河神祠

在東關外小丹河東岸每歲九月十七

日祭

參武縣志

卷六

祠祀志

三

八蜡神祠 在東關每歲十二月初一日祭

劉猛將軍祠 在八蜡祠東與八蜡神同日祭

八蜡神祭文

於惟尊神實司歲功驅螽斂螻五穀乃豐茲當歲
禴虔具犧牲神其保佑惠此生靈尙饗

劉猛將軍祭文

惟神上贊帝德下惠生民時和年豐螭蟻不興茲
值歲暮式薦明馨神其昭格庶幾鑒歆尙饗

案翟灝通俗編引王沆識小錄劉猛將軍相傳名
銳卽宋將軍錡弟歿而爲神驅蝗江淮間有功

奎星樓 在縣治東南城上明崇禎十五年知縣劉

光斗勸建有碑記道光四年知縣鄒光曾重修
邑副榜貢生王賓玉勸建奎樓記

畧云劉侯於崇禎壬午秋來宰甯聚諸生而課之
見甯之登科第者甚鮮侯怪之僉曰國初賢官在
縣署乾方洪永成化間科不乏人有多至七八名
者後徙坤方八十年不一上賢書焉萬歷辛卯督
學周公夢陽過之嫌其湫隘撤民居以通於衢且
廣其泮池是歲周氏佑雋鄉闈卒成進士丙午王
氏玉鉉發解天啟甲子郡守王公燬善堪輿術仍
尋乾方故址而徙之丁卯張氏三就獲雋成進士
數十年來今復寥寥豈地氣未復邪侯聞之外眺

河山之勢內察城郭之形乃曰黉宮居西北地峻而城之東南稍卑建奎樓於巽隅或可以返當年之盛乎僉曰唯唯俟出俸金以倡而博士弟子員胥佐之始事於壬午之十一月告成於十二月

衙神廟 在縣大門內相沿每歲六月二十三日祭

馬神廟 在署東武安驛內 一在南門內勝果寺

西相沿每歲六月二十三日祭

句芒神 每歲立春日祭 以上秩祀

神農廟 在縣東京裏邨有五穀臺

湯王廟 在西關道光十一年知縣趙銘彝重修

月八月與社稷壇同日祭

漢獻帝廟 在縣北古漢山廟中有漢獻帝書作

歲於九月初九日縣官詣古漢山致祭今於東門

外禪陵碑前遙祭

東嶽廟 在南門外知縣冷宗元碑記詳金石

西嶽廟 在縣西待王鎮

玉帝廟 在城東北小丹河西岸

元帝廟 在北關外 一在太行山茱萸峯頂

天宮廟 在縣西北孔莊

孔子問禮廟 在孔莊

河內縣進士成文重修孔子問禮廟記

略云吾嘗驅車適修武得古蹟一一曰待武王處

一曰孔子問禮處書稱武王伐紂渡孟津至朝歌
則懷衛之間皆昔所行師處民之待於此也宜矣
至孔子適周問禮於老聃老聃者周柱下史也烏
得而居此哉且晉文公平子帶之難王賜之地遂
啟南陽則茲地已爲晉有距孔子適周時已百餘
年孔子何緣而見聃於斯邪乃修武之人旣爲
樹碑於道而又有廟以祀焉或者傳聞之誤不
之深究歟然吾於此見懿德之常存而人心之
泯也夫仁聖賢人相去不知幾千百年矣而其
而嬉戲也則卽其嬉戲而誌之長而遊處也則卽
其遊處而誌之卒而墟墓也則并其墟墓而誌之

不惟存其真而且存其似不惟傳其真而且傳其似
疑故舜卒於鳴條而蒼梧有墟禹葬於會稽而
紐有鄉若是者豈聖人之生平出處果在於斯
蓋慕善樂道之思根於人之性情極於人之寤寐
而偶得其似者遂據以爲真而傳之亦未有起而
議之者也其疑其信誠有所不必辨也且吾於此
尤有感焉當武王渡河之初虎賁三千諸侯八百
其喧赫震耀爲何如者若我夫子生平固未嘗至
此而一車兩馬棲棲道路以視鷹揚熊羆之眾奚
啻萬里而一則存之以爲伐暴救民之功一則存
之以爲稽故攷文之實修武之人未嘗有輕重焉

是知聖人之不朽於天地者自有所在而不係乎
遇不遇之間也歲秋月鄉人將易其廟而新之有
問於余者遂以斯爲之記

三官廟 在東關 一在縣治西城基

薛將軍祠 在縣南二十里王邨東祀唐左驍衛大

將軍平陽郡公薛仁貴

詳古蹟

呂帝廟 在城隍廟內西偏道光十二年道士陳德

平建每歲二月初四日祭

韓文公祠 在縣東甯城書院內與文昌同日祭

一在治北南陽城

知縣楊兼韓文公祭田記

先儒文公韓子文起八代之衰道濟五世之滯
以匹夫而爲百世師者殆之志迺修武人也自李
唐以來海內人士皆仰之如泰山北斗况其桑梓
之可祭鄉先生於社者乎是故甯城書院設文公
神位爲斯文宗主俾肄業人士如坐於當年函丈
間而祀產闕如無以供俎豆則崇先哲以勵後學
之義安在哉余用是購地八十畝零九分九釐七
豪爲公祠祭田卽給其後裔生員韓掄元領種松
賦之外歲取餘資以備酒醴桑盛春秋致祭焉韓
生務率其子孫世世力耕奉祀楚茨之詩云茲芬

孝祀神嗜飲食卜爾百福如幾如式可不敬歟余
恐日久弊生爰立石誌其事并誌其地以備攷云
嘉慶二十年仲春月

祭田坐落

一在縣東北二十五里禮賢莊三十段計地五十
四畝六分五釐三豪外莊基三畝零分五釐二
一在縣正南二十里南柳四段計地一十四畝九
分四釐七豪

一在縣正南二十里西常邨二段計地一十一畝
三分九釐七豪

明陳曰韓湘子神仙辨

世傳韓文公孫湘神仙人也嘗諷公沖舉公不從
一日因宴集忽席上開牡丹二朶詩其上云雲橫
秦嶺家何在雪擁藍關馬不前公未知其解後公
以言佛骨事貶潮州途中遇湘冒雪來曰憶花上
之句乎公詢其地名卽藍關也遂卽成其詩云云
予案唐世系表湘字北渚公姪老成子公兄介孫
長慶三年進士又案公集有詩題云左遷至藍關
示姪孫湘一首他日有宿曾江口示姪孫二首而
賈島集寄韓湘詩又有過嶺竹多少潮州瘴滿川
之句則公之赴潮湘實從行非邂逅不期之遇也

而湘第進士去是年纔四年耳後官至大理丞湘
固公輩人何得有神仙事也西陽雜俎載韓侍郎
有疏從子姪自江淮來年甚少韓令學院中伴子
弟子弟悉爲凌辱韓知之遂爲街西假僧院令讀
書經旬寺三綱復訴其狂率韓遽令歸且責曰市
肆賤類營衣食尚有一事長處汝所爲如此竟作
何物姪拜謝徐曰某有一藝恨叔不知因指階前
牡丹曰叔要此花青紫黃赤惟命韓大奇之遂給
所須試之乃用箔曲尺遮牡丹叢不令人窺掘窺
四面深及其根寬容一坐惟齎紫鑛輕粉朱紅
暮治其根凡七日乃與坑白其叔曰恨校遲一

時冬初也牡丹本紫及花發色白
一聯詩字色分明乃是韓出關時詩
秦嶺家何在雪擁藍關馬不前十四字
姪且舜歸江淮竟不願仕據此則公自有
挾術自售乃遠從江淮來又竟歸江淮不復仕非
湘甚明而花上之句卽姪於公還朝之後述其初
赴潮之詩亦非公姪之逆自爲也今公遺集有贈
族姪詩擊門者誰子問言乃吾宗自云有奇術深
妙知天工疑謂此人事記段成式與公同時不誣
而近日唐荆川史纂左編全不考證妄列湘道門
且謂湘送公藍關一宿卽舜去公畱之不可得作

別湘詩云舉世皆爲名利醉伊予獨向道中醒他
時定是飛昇去衝破秋空一點青旣雅非公本趣
兼詞句凡猥退之家奴不爲至謂湘出藥一瓢戒
公日服一粒以禦瘴煙公謝湘有慮不脫死魂遊
海外一思至此不覺垂淚之語何公一旦衰颯狂
惑遂至此乎宜不然矣編又謂湘公猶子竝其家
世皆失之

楊公祠

舊志在百家巖祀明邑侯楊公槐

碑見秩官

河北道僉事劉公生祠

在南門外

明邑舉人王玉鉉河北道僉事劉公生祠碑記

公之監河北也在嘉靖之四十年今爲萬曆之己

蓋三十有八年矣而郡司馬鄭公始署懷安
仰往昔賢哲之事而吾鄉父老沐公之政謳吟而
思慕之因相與謀曰明興二百年而吾郡若邑之
民得分巡劉公始爲一更生云洪武初爲守鐵木
兒抗王師統一之後定吾郡歲賦四十萬故計八
郡則吾郡重而計吾郡之六邑則吾邑又重近一
百年吾邑令苦吾邑而力不能均之郡吾郡守苦
吾郡而力不能均之河南諸郡吾郡若邑之民
有坐罷而已至嘉靖四十年公始爲一均且蠲之
而向之所定四十萬者四分之而計減其一京邊
糧以周甫告改去一千石有奇兌軍米以曹琴告

改去一千三百石有奇均分濟源六縣荒糧除去
五萬八千八百兩有奇歷日紙張棉襖等銀改去
一千六百兩有奇派汝南二郡料價改去六百兩
有奇民兵銀改去一千二百兩舉場棘鍼銀改去
四百兩派儀封等縣修理廨宇銀省去一百兩有
奇銀差改去舊志均分濟源六縣河夫裁去二百
名青夫裁去一百名力差裁去一百四十三名存
畱修隄護守親藩夫裁去二百名覃懷驢頭改去
四十一名撥襄城等縣其他賑匱之興學校裁去
賊禱雨雨應禱雪雪應諸所造福於郡若邑者不
可勝紀而均且蠲至鉅萬所爲郡若邑之福更遠

而大故當時遇之民曉焉爰止者公徠之及今三十餘年民且享太平之世嬉遊而歌誦者公字之而休養生息以至萬世則又公貽之也公且老不獲奉公邑且無所致報公庶幾徼朝廷褒功報德之典當吾世而入名宦祠致吾懷萬分之一乎哉於是某等及鄉民請官祀公而申鄭公鄭公申部視學使者徐公照例顧弗得也則復請申祀公曰此將爲公甘棠也而祀之亦弗得乎哉鄭公以報今分守朱公好恤民亦如公之爲人故令吾郡若邑之民得遂所私焉擇地於南門之外爲生祠王子曰吾讀甘棠詩見民不怠召公聽訟處而所

謂爲善之政不概見及讀召誥之篇稱無疆惟恤而周公之稱君奭亦曰今女永念知其所圖於民者大也假令公修一令斷一獄則小補之而已其與幾何惟均且蠲鉅萬卽三十年爲三十鉅萬卽累百年爲累百鉅萬豈不無疆而永也哉茲甘棠所以再賦也抑書曰無偏無黨王道蕩蕩公駐吾郡若邑而賦均且蠲將無偏黨乎哉而吾郡若邑之祀公抑無偏黨公乎哉哀多益寡豈非以其舊志缺邪故無私余過安陽橋橋畔有公祀將無安陽之民亦私公乎哉吾郡若邑之思知吾境已耳觀安陽祀則人以公爲私人以爲私則無私矣雖然

吾郡則今三十萬計今他郡尚不滿三之一吾郡
地畝以二百四十步計他郡以三百六十步計歲
賦則又減三之一監茲地者又能無感於公也邪
劉公祠 在縣治東街龍神廟內西偏祀乾隆初年
知縣劉建吉每歲于二月八月二十日祭
修武縣知縣馮繼照重修劉公祠記

道光十有三年余奉檄視修武事祇謁境內神祇
見龍神廟西偏祠宇丹堊煥然詢之吏吏曰此邑
正東路祀故修武令劉侯者也侯諱建吉字慎修
貴州南籠人充康熙乙卯科選拔貢生乾隆二年
莅任修武侯之未來也正東路以地不產穀草請

前任陳侯豁免武安驛芻茭陳侯旋去任侯來邑
人復欲派正東路侯援前案豁除事乃定以故正
東路感侯之德積久不能忘乃權奉公粟主于別
室中又公同商議釀錢買地建祠以祀之而費用
不貲道光七年鄒侯至龍神廟祈雨詢知其事倡
捐廉俸而邵侯趙侯繼之祠遂成從民欲也余歸
而詢諸耆老檢諸邑乘得君建牖立橋墾荒灌田
諸善政而開濬消河厥功尤鉅修武治太行山麓
雨後輒水勢全涸向有小丹河新河蔣河消絕邑
中諸水獨西南境上承武陟甯郭李邨河內七
橋楊義廟諸水山水漲發彌望汪洋君從西南

裏却至東北平政橋疏鑿四十五里以達新河於是積潦無患水經注漳河神壇碑載漢修武張景明爲鉅鹿太守漳津汎濫土不稼穡景明原其逆順揆其表裏修防排通以正水路功績有成民用嘉賴君開濬消河使修武無汎濫憂其功豈有異歟宜乎邑人謳思不置而非正東路之民所得私也祠旣成邑紳以文請因書以示之俾勒諸石祠內室宇及捐修姓氏悉載碑陰

以上正祀

寺觀附

勝果寺 在縣治南門內宋紹聖中建丹川李退叟作記甄塔九層殿宇寮舍共七十二間蓋歸然名

漸爲之記額云重修百家巖寺碑咸通中孟州人
立碑亦云百家巖寺則寺固以巖名也至宋元祐
二年崇明寺僧守千呈請官給地土山林四至公
據遂以五里源崇明寺之名加於百家巖寺其後
元至正十年禮部郎中張公琬作五里源崇明寺
碑篆額云百巖崇明寺碑大護國仁王寺下院而
五里源之崇明與百巖遂合爲一惟前明何文定
公塘重修崇明寺記云齊稠禪師當時建大護國
仁王寺以處之五里源崇明及百巖寺則皆其下
院也蓋余嘗攷之百巖寺有二一在天門山腰卽
張何二公碑記中所謂大護國仁王寺者也一在

牆北邨則天門山之下院其寺不在百巖而據以
百巖之名者也其後仁王寺廢而僧眾皆居於五
里源之崇明寺遂以崇明彊加於仁王寺而究之
至今土人所稱仍名百巖寺是寺與巖相得益彰
誠非俗僧之所能擅易者矣

百家巖詳見古蹟

唐杜鴻漸重修百家巖寺碑

百家寺宿蹟在太行山南我唐天子所主之邦盡
中國中國山嶽以千數太行為靈長太行延袤且
千里有巖焉肇自高齊爰立茲寺以其巖平易可
容百室故命之曰百家也觀夫畫閣高懸寒玉亂
瀉勢連重冥居凌太虛軼浮景以遠耀帶流霞而

飛動信梵旅之寧處又何必花爲宮而瓊爲池乎
周人滅齊初隆中廢隋氏踐位厥名乃復然而乾
綱不周生人畢墜於水火佛日未明像法與時而
銷滅物不可以終否故天命旣集於皇家惟聖祖
建元嗣及我后赫赫在上以整亂略天平海清庶
物遂成敷遊其中則莫之天閔已雖陋夷蕞處同
慕緇錫虐虜獸心追崇塔廟詩所謂自西自東自
南自北無思不服矣况於邇者乎前此者禪師處
忠身具律儀言爲訓誨萬眾蒙益千里向風故能
磨嶄品翦翳薈搖木斯拔巨石必轉儲供外辦功
費不貲歷數十年以授於門人曇最最公則公之

尚德也敬不異事想跡先賢行紉一塵誓沒滌
由是特啟宏宇易置高廊坼土樹芳貫石行水動
有方略隨其便安終今以來假有尺塗片瓦之力
蓋無足云爾記有之疑冬不返永日清暑盈虛應
期漱浣流惡廚北靈泉利用之極也傾崖前表飛
澗遠激皦如晴蜺噴若風雷寺西瀑布威儀之觀
也雙峯插雲對壁爭峻仰攀霄漢下冥煙雨巖上
天門通元之階也一徑橫互紆餘乍滅靜出猿鳴
視臨河嵩隱見眉睫極遠之路也若夫奇檀修竹
嵇竈孫臺鄧封遺堆玉仙餘水昔人之休寄此地
者豈不宜哉上座如航寺主英俊都維那善等蓋

嘗聚徒而言曰處寂默者而以了心資言說者亦
以入義非山林境勝何以臻此內通非文字旨遠
何以宣乎外法會議刻石來徵予詞夫賢明之長
有博陵崔瑗焉其貳佐也敦信之士有崔伯昂韋
無擇崔皋焉能成之俊有趙璘焉協無異謀其敢
牢讓銘之曰巖巖太行縱橫千里環厚地兮寂寂
梵宮懸處百仞乘顥氣兮豪光月滿照清三界被
昏類兮石爲可久文亦播揚行佛事兮天寶八載

二月晦建

全唐文

明馬瀾百巖寺重修佛殿記

百家巖寺在太行半山中層巒疊嶂或峙於後或

拱於旁或伏於前水出石中清流遶屋可以濯纓
可以洗耳晉魏唐宋以來遊人騷客代有遺蹟遊
暑有樓醒酒有臺淬劍有池紀載題詠有詩有文
蓋一邑之勝地也友人范抑之與余嘗一登覽焉
巖前佛殿煥然一新規模宏麗於舊有光其寺僧
有曰滿舟者再拜於前曰願有以紀其歲月予問
其主事者爲誰滿舟曰殿之在東者吾師幸俊建
於昔者也殿之在西者吾師幸俊建於今者也問
其工費之出則曰材木取之於山瓦甍陶之於冶
力役雇之於人以錢計者幾千緡以粟計者百餘
石耳問其錢穀之出入則曰施之於鄉人者三之

二取之於山田者三之一斂之於衣鉢者亦足以助其不及焉皆吾師之所綜理也問其修造之本末則曰經始於正德庚午落成於嘉靖丁亥功未畢而吾師沒繼成師志者滿舟亦與有力焉嗚呼天下之事不患乎功之不成而患乎信之不篤幸俊之爲師滿舟之爲弟子皆能篤信其所學而崇奉之以持永久可謂能振彼宗風而有功於其教者矣予學孔子者也其所以傳之信之者視彼其不能無愧焉乃樂於山水之勝而有以識吾之遊也故直書其所言以爲記

蕭家芝重修百家巖寺暨募施齋田記

天門山峻嶒尊處割其半爲巖度地得百家故曰
百家巖余匹友范龍圖與其伯兄晴麓往往爲余
道百巖幽勝今年秋八月始與竇子雲明家弟樹
百選勝蘇門過白雲寺絕清水案此信峪河爲清水土人
指山半浮屠卽百家巖精舍入山二里許浮屠瓴
甌可數然見浮屠尙不見寺也又里許亂流湫澳
疑環珮鍾鼓之音與風雨雜至復磬折行茂林下
數盤而上則寺門也歷階而東禮大雄殿殿後竹
數十竿秋高夜永微風蕭颯而已次東又爲佛殿
六楹殿後則明月泉水瀉而南穿叢篁委折而下
由池左攀藤而上稍東有石如几案布席可坐數

十人曰鳳凰臺臺東數武石壁成罅水自罅中激
冽寺衲曰王烈泉也水濺亂石中躡履溯洄則仰
藍殿側夕陽曜景金碧璀璨蓋新構也寺衲具食
食竟西導去大雄殿數十武數椽修潔一羽士跌
坐其閒寺衲謂范晴麓所卜築云羽士舊識樹百
攜與俱西有石長二丈如箕舌俯窺絕壑大鐫其
石曰劉靈醒酒臺宋元祐閒手筆也臺右爲拙康
淬劍池西爲稠禪師庵庵在石壁閒又西則壁上
潺湲之迹與對面浮屠正相衝擊者寺衲以爲經
雨則瀑布乘空望如匹練曠乾未易觀也低徊移
時山空月白涼秋不寐羽士乃謂余曰子大夫見

漢獻帝陵乎銅駝石馬鞠爲茂草此寺亦幾爲敗
垣矣上人以順治十有三年卓錫太行募建伽藍
殿四楹蓋重蘭茝九年于茲而後佛堂廚舍以
次鳩工工旣竣羣謀買田數十畝資上人朝夕則
又曰得勿以長吏誅求累上人乎田遺上人籍則
檀越合計戶口共得田若干畝是役也十方金布
而領袖則范姜二長者將勒珉以誌不朽子大夫
加之意焉余惟河朔名利東有白雲西有月山而
躡名賢之履蹟續殘碣于晉元則百巖寺實名利
也余豈敢以不文辭哉寺衲名性智楚之德安人
人稱慧元禪師范名正宗卽晴麓姜名象龍號御

修武縣志 卷一
六俱修武人

邑人御史趙旭百家巖公捐贍田記

太行之陽有峭壁厓巖背天門面嵇山環亂峯而
半翠微者曰百家巖以其嶮巖欽寄故曰巖或曰
是巖也可以容百家故謂之百家巖云晉劉伶嵇
康輩徜徉於此史稱劉嗜飲嵇好鍛今醒酒臺淬
劍池古跡猶存他如明月泉王烈泉嘯臺瀑布諸
名勝邑誌之余不贅巖之中上倚立壁有梵宇東
西對峙一統志謂天門山上有精舍卽此寺建於
高齊神僧稠禪師師沿山扞建二十餘所此其一
也酈道元曰南峯北嶺多結禪棲之士今觀其厓

洞紆曲水石幽奧殆信然已建寺以來歷唐宋元明時有補修然皆無加於其初地限之也寺舊有贍田兵荒後環山之地鞠爲茂草何有於贍田順治十三年有孝感僧性智杖錫來遊手闢荆榛康熙元年邑之雅慕山水者相與結伴登臨流連信宿香廚之積無三日糧恐養贍無資釋子不可以久留於是眾捐地一百五十畝各案里籍隨具領承糧不以賦稅累僧人又眾捐地二百六十畝合前共地四百餘畝永爲贍田糧在里甲而地實本寺原舊之贍田也性智手足胼胝不遑寧處始成熟地卽謀勒石以紀厥事會性智遠遊未果其徒

海香恐年久歲湮瞻田不可復識也爰議刊石以垂永久定其畝數正其基址用杜彊梁者之侵占且以資養靜者之朝夕焉

案此文載舊志其碑有二一在寺內又一在巖前

山神廟旁前令李景和大書嵇山二字鐫其上

觀音寺

在縣北十八里蔣邨

明碑見金石

梳風寺

在縣北二十五里隕城寨舊名吳澤鎮邨

南寺中有元張陸邨重修功德碑記云卽古隕城

采訪碑

詳金石

崇興寺

在縣北三十五里方莊

真慶宮

在縣北五十里衡衡寨北康熙年建中有

古松邑令胡睿榕有古松記刻石樹下

府志古松見古蹟

邑人范琥勸建真慶宮記

真慶宮者雲臺頂之下院也雲臺頂本雲臺山昔人立廟於頂以祀真武廟之勸始歲月不可攷明末饑饉頻仍鋒鏑肆起環山邨落悉成盜藪徑路閉塞者十餘年有羽士來自薊北遙望一峯插天孤峭秀矗狀猶華蓋輒畱連不忍去翌日裹糧伐道凌絕頂俯視疊嶂環拱茲山聳拔居尊較之天壇武當殆無多讓乃喟然歎曰有如此勝槩而願使棟折垣頽鍾殘碣敗其如吾徒何因跪告於帝座前曰弟子某願以修葺爲己責獨是茲頂遠在

萬山中距縣治八十里距平陸五十里上乏田廬
下多谿澗石磴倒垂崎嶇陡峻值正二月香火旣
開男婦繽紛車馬絡繹計其程必前一日入山至
次日則置車馬於山麓攀藤緣壁魚貫而升迨旣
險復迂由寅達午方造其巔復由午達申方還其
麓麓無室廬羣露宿於榛莽荆棘間時而風吼發
嘯時而鬼泣虎嘯種種驚怖眩目搖心擊鼓鳴金
坐以待旦於是羽士思建下院以爲往返接濟之
所而難其地先是余曾祖橘亭公於頂之南有莊
名曰黑石嶺經數世漸羽士因乞諸先君先君曰
茲業也舊屬於吾族而今則四分析之矣吾祖素

稱善士吾儕何敢以其所遺視爲已有而斯之隨
同先叔丁亥進士諱正脈先堂叔增廣生諱正心
庠生諱正己咸樂施捨無異詞不二載而大殿兩
廡俱告成羽士復請先君譔次勒石乃不期稟未
脫而先君竟臥疾不起矣羽士追念疇昔復爲書
以告余余因操筆布紙備敘始末庶使先君之義
不致湮沒而弗傳而羽士之功亦當歷久而彌彰
也羽士梁姓名陽龍直隸保定人

國朝知縣胡睿榕真慶宮山神靈應記

縣北境接太行邨人散處山麓歲辛亥余蒞任屢
聞有虎患特從役往跡之不見見坡有廟焉神像

猙獰甚土人曰此山神廟也余因病而禱焉後遂
不聞有虎壬子春忽有走告者曰晉人某過此爲
虎啖矣越一旬復有來告者曰邨人某某爲虎負
去矣告者凡三四輩余勃然曰吾民朝廷之赤子
也虎何得恣食之若是急往山神廟辦香告神曰
某奉天子命來爲吏以父母斯民除民害職也今
爾神縱虎殘害吾民其何以血食一方請與神約
必盡殺之不能則驅使遠去俾避天子之命吏否
則將率吾民焚神廟毀神像神其無悔禱畢令獵
者晝夜伺之無所得旬餘有得死虎於山之澗者
復索之連獲虎豹二邨人哄然曰神殛之也夫走

報余且獻其皮骨由是患遂絕余聞漢九江太守
宋均有惠政郡中虎多渡江去余不德惟邀惠於
山神以誅殛之愧滋多矣余又聞苛政猛於虎庶
幾愛養吾民撫摩而噢咻之以無忌告神之言云
雍正十一年歲次癸丑仲春月

雲臺寺 在縣北八十里茱萸峯上卽雲臺山之西
北峯寺祀真武

萬善寺 在縣北五十五里真慶宮北俗名溝坡寺
明萬歷年間建有泉出東北山麓寺僧鑿石爲溝
引入寺側匯小石池內若一縑然

府志 明望親
臺記見金石

善車寺 在冷泉背邨西後倚方山昔爲勝境今廢

彌陀寺

在縣北二十里高寨邨

保安寺

在縣北二十二里陸真山

梁開平石幢見金石

六真祠

在縣北陸真山後唐天成閒建後爲元真

人邱劉譚王郝馬講道之所明洪武閒改修

案水經注已有陸真阜六當作陸邑人相傳山以

邱劉譚王郝馬得名者誤也又金李俊民有騫林

觀詩疑卽此

詳見山水及古蹟

蓮池寺

在縣西北土門掌邨北山上

普照寺

在縣西北五十五里田澗

龍興寺

在縣西北五十里圪料阪北鳳凰山上

雙仙閣

在西門外知縣張明遠建

吳志

興國寺

在縣西北十八里西孔莊

元碑見金石

百巖寺

在縣西北四十里牆北邨亦百家巖寺之

下院

法明寺

在縣西山陽城內寺東北半里古有藏梅

寺寺廢金移建於此有大定三年勅賜法明禪院

牒碣明宣德七年重修今因殿內存有千佛碑又

俗名千佛寺

金勅牒見金石

觀音寺

在縣西二十五里蘇蘭

圓融寺

在縣西北五十里呂洞山唐太和三年建

明永樂七年周王橚琢玉佛施於寺今存

明碑詳金石

案金季俊民贈陳仲和并吾友仲和故遼降虎太

師之後以蔭補官累階三品喪亂之際相會於山陽年六十有二神閒而意適手持數珠日誦佛書不輟眞髮僧也因誦飽諳世事慵開口會盡人情只點頭之句以此意索詩因書以示之百年浮過落花風雨永榮華一夢空拈起數珠詩雖不言何寺然以大都忌卻大千世界入圓融千世界入圓融句味之殆寄跡此庵歟

二仙廟 在縣西北四十五里棲鳳山上

吳志

元教諭趙宜中棲鳳山二仙廟祈雨感應記

二仙神祠在在有之原其所自肇於上黨蓋聞遇旱祈禱無不獲應故有冲惠冲淑眞人之號縣舊有廟在西北山巔勑建於金大定初重修於興定

末越歲滋久浸將傾圯大德三年乙亥冬鄉人李
守信等願爲葺理於是捐資協力鳩工市材不踰
載而功告畢煥然一新矣至大二年夏旱居民范
寶李德輩祈禱祠下不旋踵而雲興雨霽闔境霑
足里民乃潔壇場備肴酒奏樂而享祀焉旣而秦
成等欲紀神異勒諸貞石介門人李謙來請予告
之曰神人感通不誣苟能繫其心以盡吾誠敬雖
天地之大猶能動之况神依人而行者乎祭法曰
能禦大災則祀之冲惠冲淑二真之能禦災也其
享世祀宜哉故從其請而書之復繫以詩俾里人
歌以奉祀庶幾久而不忘也歌曰神之來兮僊人

鄉身著赤霞雲錦裳手持天瓢濟旱殃下與民庶
降福祥祈禱感應雨沱滂飄風飛電威怒揚黍盛
黍稷非馨香享於克誠無有常歲時伏臘薦豆觴
奠桂酒兮椒荔漿神之去兮鑿璫璫駕玉輦兮雙
鳳凰雲杳杳兮雨茫茫萬民感德兮不可忘

普恩寺

在縣西承恩鎮

開碑見金石

寂照寺

在縣西四十里榆樹

聖佛寺

在縣西北五十里流沙坡明嘉靖隆慶間

僧續永僧宗潮相繼修葺

二仙廟

在縣西四十五里王褚

元碑見金石

居德寺

在縣西北五十里嘉禾屯

唐碑見金石

圓覺寺

在縣西四十五里新店

普明寺

在縣西二十二里西待王

靈泉寺

在縣西五十里苟泉陂西數武相傳為

晉時建

府志 龍泉池記
見金石又詳山川

三無私廟

在縣西南十八里孔邨元至正四年建

吳志

普濟寺

在縣西南二十里高邨

圓通寺

在縣西南三十五里新安鎮

清涼寺

在縣西南三十里南謝

玉皇廟

在縣西南十三里定交屯

西明寺

在縣南十二里周劉邨

有唐碑造像記及
金題名見金石

興龍寺

在縣南十八里南柳

隆興寺

在縣南十八里彥門

觀音堂

在縣東南十八里宣陽驛

二郎廟

在縣北東版橋邨西半里

案二郎有二表蜀郡太守李

子二郎佐父治水有功元至順六年加封英烈昭惠靈顯仁祐王見續文獻通考宋大將李顯忠子二郎明正統中救號波海見延安府志此海疑為蜀守子二郎

案四鄉

神農廟山陽城牆北上馬邨俱有之

八蜡廟蔡坡有之

湯王廟東新莊有之

關帝廟詳陳邨京裏邨王里長屯孟郎平政橋待

王鎮嶺南口承恩鎮榆邨五里源張田河俱有之
火神廟新店北睢邨馮營楊家樓新安鎮常莊店
后延陵俱有之

龍王廟苟泉陂小衛邨俱有之

濟瀆廟蔣邨有之

玉帝廟古漢山范邨南屯平陵承恩鎮榆邨蓮花
池大東邨喜鐵山釣臺營磨臺營俱有之

五嶽廟待王鎮有之

天齊廟

卽東嶽廟

東常衛邨封亮馬邨陳邨俱有之

元帝廟小文家東版橋承恩鎮習邨俱有之

三官廟夏莊南霍邨白龍湖李固安陽城俱有之

泰山廟五里源大陸邨趙屯俱有之

二仙廟董遐固蘇蘭邨承恩鎮王褚白莊田門李莊西邨俱有之

補遺

風伯祠 在隕城寨邨北

知縣馮繼照改建隕城寨風伯祠記

昔者孔子作易傳以巽爲風又曰風以散之蓋天地之氣慮其鬱而不舒風行則無所不達而無微不入所賴爲宇宙鼓太和者不在是歟觀師之祀肇于周官風俗通義又曰飛廉風伯也亦歷代祀之顧風之發也爲祥風爲和風於萬物固有生成之功爲暴風爲烈風於草木亦時有摧折搖落之患則欲以禱祀而禳祓之知必有道矣修武治北三十里曰隕城寨舊有廟宇名曰結義塢漢昭烈

軒關壯繆張桓侯趙順平三人竊謂結義之說本
屬不經君臣列坐傾矣昭烈帝蜀其聲靈未及於
河朔桓桓隴城誣矣我朝以太牢祀關帝封號
協天迺屈之配享悖矣余以山左迂儒竊媿不能
揚仁風以慰黎庶而寤寐祈禱惟望天以五風協
十雨歲得年穀順成使吾林林總總者無飢寒之
憂爲大願也故敬遷舊像而崇風伯之祀以古所
傳封姨孟婆葛元鄭公侍于兩序用昭護衛屬崔
孝廉星聯督率彼地子衿共襄其事啟工於道光
庚子十月十六日及十一月旣望而畢崔孝廉請
余記之謹敘其緣起勒諸麗牲之石

馬神廟

在署東武安驛內

知縣馮繼照重建武安驛馬王廟記

修武古甯也邑隸於河朔北通燕趙西達雍涼蓋由古爲衝衢有驛曰武安定制官馬四十二匹余初蒞任馬旣缺額且多羸病不堪用此宰官之以郵政爲急也迺戒圉人聚芻豆謹休養以肥瘠定驛卒功罪一歲之間旁縣無修武馬肥矣馬廐馬閑兵書驛卒之居廬皆以次繕完唯舊有馬明王廟一間未悉建置年代體制狹隘而歲久殘敗屢葺不免罅漏爰事改作拓長三丈六尺闊二丈二尺建祠三楹前爲卷棚以備行香展拜又前爲

月臺以便視馬馳驟植一柏於臺上則將以取
也自道光庚子八月望日啟工彌月而事畢唯驛
門偏於西者將及一弓且卑而狹不利車行越歲
辛丑四月一竝撤毀移正而高廣之且退北丈有
五尺門之兩旁各造廊舍以翼之於是驛前倍爲
軒敞加之黝堊丹雘視昔爲壯觀矣則官祭馬祖
祭先牧祭馬社祭馬步注馬祖天驕也先牧始後
馬者馬社始乘馬者馬步神爲馬災患者近世則
獨供馬明王之祠祀埭像三日而四臂蓋是星精
故謂王爲西域人故祭牲用羊庸詎知非以大宛
烏孫古產良馬因有此說乎哉

清眞觀

金元好問清眞觀記

修武清眞觀在縣北馬坊全眞諸人爲邱尊師之所建者大定初邱自東萊西入關隱於磻溪十數年不出天下以爲有道者興陵召赴闕取道山陔愛其風土之美裴回久之且謂其徒言在所道院武官爲之冠濱都次之聖水又次之若輩得居於此則與濱都聖水相甲乙矣諸人乃乞地於鄉豪馬子安家而得之積以歲月廬舍乃具舍旁近出大泉溉千畝稻塍蓮蕩東與蘇門接茂林修竹往往而在太行諸峯壁立千仞雲煙朝暮使人願掛

不暇考之地志蓋魏晉諸賢之所樂而忘反處也
大安初以恩例賜今名貞祐丙子邱命劉志敏來
居劉縣人邱高第也故聚徒至百人興定庚辰之
兵觀廢正大辛卯志敏之徒冷德明者復葺居之
今所食又千指矣歲甲午予自大梁驅管聊城德
明之法兄弟房志起自單懷來介於幕府識君請
予爲記房外朴而內敏質直而尚義有似夫墨名
而儒實者因爲次第之并著予所感焉嗚呼自神
州陸沈之禍之後生聚已久而未復其半世世之
與居泯泯之與徙爲之教者獨全貞道而已嘗試
言之聖人之憂天下後世深矣百姓不可以逸居

而無教故爲之立四民建三綱五常士農工賈各有業父慈子孝兄友弟敬君臣嚴夫婦順各有守九官而有司徒仁義禮智典章法度與爲士者共守之天下之人耕而食蠶而衣養生送死而無憾粲然而有文驪然而有思於聖人之教也若飢者之必食寒者之必衣由身而家由家而達之天下四方由不可斯須離至百世千世萬世而不可變其是之謂教而道存焉於其間傳有之天祐下民作之君作之師道之行與否皆歸之天今師徒之官與士之業廢者將三十年寒者不必衣而飢者不必食蓋理有不可曉者豈非天邪如經世書所

言皇極之數王霸之隆至於為兵火為血肉陽九
百六適當斯時苟堅石勒大業廣則五季之敵不
如是之極也人情甚不美重為風俗所移幸敵樂
禍勇鬪暗殺其勢不自相魚肉舉六合而墟之不
止也邱往赴龍廷之召億兆之命懸於好生惡死
之一言誠有之則雖湯武王之將起豈不是從
是而後黃冠之人十分天下之二聲歟隆盛鼓動
海岳雖克其毒悍甚然無利知之徒皆與之俱化
何鍾菴毒逆遇顧野若有物擊之而不得逞安不
能召其子兄不能克其弟而義誅以制其本刑罰
無以懲其末斯謂全真家者乃能救之焉然大堤

不收之後殺心熾然如火聚力爲撲滅之嗚呼
豈非天邪六月十六日前進士河東元好問記

昔年六月十六日南縣士所東元後開張
不列文為錄以錄其收大也錄其收大也

